

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	4 Rhagfyr 2019
<b>SWYDDOG ARWEINIOL:</b>	Pennaeth Cynllunio a Gwarchod y Cyhoedd
<b>SWYDDOG CYSWLLT:</b>	Uwch Swyddog Technegol (Trwyddedu) <a href="mailto:trwyddedu@sirddinbych.gov.uk">trwyddedu@sirddinbych.gov.uk</a> 01824 706433
<b>TESTUN:</b>	Polisi Casgliadau Drws i Ddrws Arfaethedig

## 1. PWRPAS YR ADRODDIAD

- 1.2 I gyflwyno Polisi Casgliadau Drws i Ddrws arfaethedig i'r Aelodau ei ystyried, a fydd yn galluogi'r Cyngor i wneud penderfyniadau tryloyw a chyson.

## 2. CRYNODEB GWEITHREDOL

- 2.1 Ar hyn o bryd, nid oes gan y Cyngor Bolisi clir a manwl i ystyried ceisiadau o'r fath, sy'n achosi rhywfaint o ansicrwydd i ymgeiswyr a Swyddogion Trwyddedu.
- 2.2 Mae Swyddogion wedi drafftio polisi cyfredol i'w ystyried, er mwyn i bob parti â diddordeb gael gwybod am y gofynion a'r broses.

## 3. PŴER I WNEUD Y PENDERFYNIAD

- 3.1 Deddf Casgliadau Drws i Ddrws 1939 a Rheoliadau Casgliadau Drws i Ddrws 1947.

## 4. GWYBODAETH GEFNDIR

- 4.1 Mae casgliadau drws i ddrws yn ffynhonnell hanfodol o gyllid ar gyfer llawer iawn o elusennau ac maent yn cynnig cyfle cadarnhaol i'r cyhoedd eu cefnogi. Fodd bynnag, rhaid cynnal casgliadau o'r fath er budd yr elusen ac yn unol â'r gyfraith. Mae cynnydd yn nifer y casgliadau drws i ddrws ffug yn genedlaethol ac felly mae'n hanfodol bod trwyddedau'n cael eu cyflwyno i gasglwyr cyfreithlon, gan roi hyder i'r cyhoedd bod eu rhoddion yn cael eu rhoi i'r elusen briodol.

4.2 Yn gyffredinol, mae trwyddedau ar gyfer casgliadau drws i ddrws yn cael eu cyflwyno gan y Cyngor, fodd bynnag, mae Gorchmynion 'Eithriad Cenedlaethol' ar gael i elusennau sy'n dymuno cynnal nifer uchel o gasgliadau cydamserol ar draws y wlad. Mae Gorchmynion 'Eithriad Cenedlaethol' yn cael eu cyflwyno gan yr Ysgrifennydd Gwladol.

4.3 Y polisi cyfredol yw'r "*rhoddir trwyddedau i sefydliadau heb Orchmynion Eithriad y Swyddfa Gartref cyn belled â nad yw casgliadau o'r fath yn gorgyffwrdd â chasgliadau eraill a bod cymdeithasau yn cael eu cyfyngu i un casgliad o fewn 12 mis.*"

4.4 Er nad yw'n ofyniad cyfreithiol i'r Cyngor gael polisi o'r fath, ystyrir ei bod yn ymarfer da i fabwysiadu polisi o'r fath i ddarparu ymgeiswyr â chanllawiau a'r Cyngor â fframwaith i wneud penderfyniadau tryloyw a chyson wrth ystyried ceisiadau. Bydd proses wedi'i dogfennu o gymorth i roi hyder i bobl sydd yn dymuno rhoi i elusen, eu bod yn gallu gwneud hynny yn ddidwyll gan wybod y bydd yr arian neu'r cynhyrchion y maent yn eu rhoi o fantais uniongyrchol i'r elusen.

4.5 Nod y polisi arfaethedig yw osgoi gorlenwi'r ardal â chasglwyr o elusennau gwahanol.

4.6 Mae copi o'r Polisi Casgliadau Drws i Ddrws arfaethedig ar gael yn Atodiad A.

## **YMGYNGHORI**

5.

5.1 O ystyried y bydd y polisi arfaethedig yn cwmpasu pob agwedd o'r broses a'r gofynion, mae Swyddogion wedi asesu nad oes newid sylweddol i bwrpas y polisi presennol, fel y manylir yn adran 4.3 uchod, ac os bydd Aelodau o blaid cefnogi'r Polisi Casgliadau Drws i Ddrws arfaethedig, bydd ymgynghoriad ond yn cael ei gynnal â sefydliadau elusennol sydd wedi ymgeisio a chasglu o fewn y Sir yn ystod y 12 mis diwethaf.

5.2 Gofynnodd Aelodau bod adroddiad pellach yn cael ei gyflwyno i'r Pwyllgor Trwyddedu pe ceid gwrthwynebiadau, er mwyn galluogi i Aelodau ystyried ymatebion. Fodd bynnag, os na dderbynnir gwrthwynebiadau, cynigir bod Aelodau'n cymeradwyo mabwysiadu'r polisi.

## **ARGYMHELLION**

6.

6.1 Bod Aelodau'n ystyried cefnogi'r Polisi Casgliadau Drws i Ddrws arfaethedig, fel y manylir yn Atodiad A, ac wrth wneud hynny, yn

awdurdodi Swyddogion i gychwyn ar broses ymgynghori ffurfiol, fel y manylir yn 5.1.

- 6.2 Ar ôl ymgynghori, bod Swyddogion yn:
- i. Rhoi gwybod i'r Pwyllgor Trwyddedu am unrhyw wrthwynebiadau iddyn eu hystyried a chymeradwyo'r Polisi arfaethedig newydd.
  - ii. Os na cheir ymatebion, bod Aelodau yn cymeradwyo i fabwysiadu'r Polisi Casgliadau Drws i Ddrws yn weithredol, o 1 Ebrill 2020.